

## BAKURUBASANNI


(n'ñoré 12 songo)

Mali kono = Dörôme 300

Afrik kono = Dörôme 600

Jamana were = Dörôme 1000

Zuluyekalo san 2005



Kunnafonisében bota kalo o kalo. BP: 24 Telefoni : 221-21-04. Bozola Bamako-Mali. San 33nan boko 402nan A songo : dörôme 15

## NBewani maloseneycro bëna laben

Goferenaman ye yamaruya di arabadon zuluyekalotile 20san 2005, taari 2.007 min be NBewani. «buloki D» la ofisidinizeri kono, o do ka laben malosene kama. Taari 50.000 min, ni goferenamanb'a fe ka no da o la san 5 kono, NBewani ta in y'o do ye. Kanariw bëna bo ka forow laben walasa malo nafama ka soro yoro in na, dëse kana ke malo kaama tóni 12.000 san kono. A bëna ke sababu ye ka caman bodenmisénw ka tungafstaa la ka faantanya fana kèle.

NBewani maloseneyorò in labenni hukumu kono, wele bilala dijé fantan ni naani cakèda ñanaw ma. Cakèda min be wele «Covec/Mali», o gërejige diyara a ko la; baaraw kalifa ale ma sefawari miliyari 3 ani miliyon 581 kalo 24 kono.

Banki min nesinnen don Farafinna tilebinyanfan yiriwali ma, n'o ye «BOAD», këmesarada la o ye 78 bo a musaka la, Mali goferenaman ye 18 bo, yoro in senebaaw yere b'a to 4 bo.

Dokala Yusufu Jara

**Miliyari 266 ani miliyon 800 :** O ye dëme ye nansarajekulu be ka min labila Mali ye san 2005 - 2006 kònona na. Jeñogonyasira basigilen min be Mali ni nansarajekulu in ce dëme in dira ka da o mineko numan kan.

**Taari 24.000 :** Bamako n'o ye Mali faaba ye, o sigilen b'o kene hake de kan. Jama min b'a kono, o be se mogo miliyon 1 ani 500.000 ma. San 10 in kono, Bamako bonyana ka se nin hake ma.

**Sefawari miliyon 100 :**


Dankunnayeelenbo'an minnu karila Mali - Togo ntolatan kofe, olu labensara be ben o ma. Bamako mëriba ye jateminejekulu min sigisen kanka fen tijenew jate bo marisikalo tile 27 kofe, kunnnafoni in sorola o la.

## Lakoliko kono bëe lajelen be ñenabo ben ni basigi kono

Jumadon zuluyekalo tile 15, san 2005, goferenaman, fanga sigibolow. ñemogow, ka fara kalanko ñemogow kan, lakolikaramogow, lakolidensomogotonw, ani lakolidenw ka ñemogow, ka fara lasigidenwkananian demebagaw, ninnu bëe lajelen jera k'u bolonó bila

bënkansében na Malikalanko kunkan. U benna a kan, kalan ka ke basigi kono, a ka ke konuman, a ka ke ñogoya la, sigikafé, ben ani kotonogontala kono.

Nin y'a san tan ni ko ye, mankan b'an ka kalansow la, ni lakolidenw te i b'a soro lakolikaramogowdon. O dekosoñ, minisiri ñemogó ani kalanko minisiri yé taamaw ke jamana marabolo bëe kono ka jamanadenw lamen lakoliko kan. U taara yoro o yoro la, jama y'i dadon kalanko geleyaw la. Fen min ye kalanso hake dögoyali ye, kalanminenku geleyaw, lakolikaramogontaniya, u da sera nin bëe ma. Lakolikaramogow ka sarako ani lakolidenkorobaw ka wariko, n'o ye burusi ye, do fôra o fana kan. Geleyaw fôra cogo min na, u furaw fana fôra ten. Goferenaman ka kan ka a joyoro fa ko minnu na, n'o ye kalansojow ye, lakolikaramogoko, ani ka namara, sonyali ani juguya dabila



kalankola, ob'o ke. Lakolikaramogow ka sarako, ka do fara o kan ani lakolidenw ka burusi soroli a waati la. goferenaman b'a cesiri nin bëe fe. Ben kéra a kan, lakolikaramogow. Ku jo u karamogojoyorò la. Ka jogojuguyaw dabila, ka denmissénw ladamu, k'u kalan. Donniya dili ani jogo numanya sabatii, o dörön de ninina lakolikaramogow fe. Ben kéra a kan, lakolidenw ka tijeni dabila ani boli caman. U be se k'u ka ninitaw. niña faamaw n'uka karamogow fe kasorouma bo, kasorouma tasuma don jamana na. Bëe y'i bolonó bila bënkansében na k'i kan di ko Mali lakoliko bëe taa ne, a be sabati ka da baara kan, ka da kalanko numan kan, cesiri ani basigi. Ni jamana o jamana ka kalanko ma sabati, o te se ka bo ñogo la; u benna o fana kan.

Bakan Kulubali  
Mahamadu Konta

## Nansarajekulu ye Mali ni Burukina ka ncogonw feereli kon Eropu gun kan

Gelyaba be ncogonsenew kan sisani, sabula, san 2004 na, nansarajekuluy'ajirako «afilatokisini» n'o ye posoni do ye, k'o be Mali ni Burukina ka ncogon senenew na. Esipajamana ka kene yako minisiriso baarakelogo dow ye nin nangili in ta ka nesin jamana fila in ka ncogonw ma.

A be san camañ bo ncogon be sene Mali la, Burukina ani Nizeri. Ncogonsenew donna Sikaso alimankel folobannen kofe; musow dorontun b'a sene fo ka na se 1995 ma. Neogon jinita caya kama Esipajamana fe, cew fana sen donna ncogonsene na. «CMDT», «CRA», «APROFA», «CAE», ani «CIC-SA» sababula, toni 6000 tun be soro san o san ncogon na Mali kono. Sikaso ni Kajolo marawla, ncogon be joyoro sabanan na koori ni pomiteri kofe.

Cakeda min nesinnen don jago ani sanganogoma ma Mali kono, o y'a jira ko ncogon seneta bee be taa Esipaj. O hukumu kono. Holandijamana ka cakeda min be Mali la yan, n'o ye «SNV-Mali» ye, o ye ncogonsena 8.700 ke ton ye, muso ye 5.914 ye. Cakeda in ye ncogon kilo 1 bo dorome 20 na k'a ke dorome 45 ye. «CIC - SA» doron tun be taa ni ncogon ye Esipaj; fognogonko dona don «CIC-SA» ni Esipaj. Ncogonsannaw ce, o wolola Mali ka ncogon lagosili la san 2004 nansarajekulu jamanaw kono, ka Eropu gun donsira datugu a ne. Nin koni ye nanamujanamu ye ka nesin Mali ka ncogon ma; sariya be jen ni senefen dunni ye n'a «afilatokisini te teme 5 kan kemesarada la. Ajirala k'a fo min be Mali ka ncogon na, k'o be 22 bo. Hali ni tine t'ola, a kera sababu ye Mali ka ncogon la lasegin Baraseloni batondankan na, k'u bila ka na Abijan. Nka, hali bore kelen tun ma dayele u la. Kibaruya jugu in menen, Sikaso mara seneko nemogo ni Sikaso ni Kajolo ncogonsenejekulu nemogo, ka fara «CIC-SA» nemogo do kan, u jera ka se Abijan ka ncogon ninnu sengesegé. Mali «SGS» ni Kodiari «GESCO-CI» y'a jira ko

pesonni kise kelen t'u la. Segesegelicakeda minnu be Esipajamana kan yen, n'o ye Madiridi «P-Plus», Baraseloni «ANABOL» ani Walansi «Inter-COX», olu fana ye Abijan segesegeli jaabi tinetigiya.

Sibiri Sanogo min ye Sikaso seneko nemogo ye, oy'a jira konansarajekulu kelen ka Mali ni Burukina ka ncogon lagosi, uy'u nesin Nizeri ncogon sanni ma dasu la sefawari dorome 20 kilo kelen. Nizeri ncogonsenew kelen te jekuluw ye, Esipaj ncogonsannaw be na ncogon san senekelaw bolo u dungo songon na.

Lagosili min dalen file nin ye Mali ni Burukina ka ncogonw kan nansarajekulu fe, u ka lasigiden min be Mali la yan, jagoko nemogo y'a nini o fe, a ka kiiri tige u ni noggon ce.

Ni nin psonniko in kera tine ye, a bennu ke sababu ye ka Mali ka senefen bee feereli gelyea jamana kokan.

Fuseyini Jabate  
Dokala Yusufu Jara

### Donba kerenkrennenw Mali kono

Seben min be donbaw dannatige Mali kono, alamisadon zuwenkalo tile 30 san 2005, depitew jenna n'o kono ye.

O donba kerenkrennenw ye 12 ye : Setanburukalo tile 22 n'o ye Mali ka yereeta sanyelema ye; zanwuyekalo tile 1, n'o ye san don folo ye; zanwuyekalo tile 20 n'o ye sorodasiñenaje ye; mariskalotile 26, n'o ye musabin ye, mekalo tile 1 n'o ye baarakelaw ka nenaiedon ye, mekalo tile 25 n'o ye Farafinna ka don kerenkrennen ye; desanburukalo tile 25, n'o ye noweliselidon ye; mawuludu n'o ye Kira Mahamadu bandedon n'a kundidon ye; selicinindon; selibadon ani keretinew ka paki ntendend.

Donbaarata min be da donba kan, ka besek'o bila ka baarakelawye. Fanga bonda min nesinnen don baarako ma Mali kono, o be donba ninnu ni don werebilataw bilalin'usaraliforobalase baarakelaw ma.

Alayi Lamu

Dokala Yusufu Jara

### Jikogelyea donna korogo

Korogo ye Kodiarijamana dugu sabanan ye; a ni Abijan ce ye kilometere 630 ye kenekeyanfan fe, Mali dance la. Kabini Kodiwarikel wulila setanburukalotile 19, san 2002, kuran ni ji cakeda baarakela caman y'u yere nini Korogo. O kelen, dugumogow ye ji ke fu ye. Woribinewari te sara tugun, wa bee ye worobine don i ka so la fu. Kalola, ji meterekibu 3500 tun be ben dugumogow mako nenaeboli ma. A kelen fu ye, a benna fo ji meterekibu 6000 ma. Dugumogow y'a ke i n'a fo worobineji in te ban; u y'a tine fo ji desera. Ji desera ka da a kan sanji fana te ka na kojuman a san fila ye nin ye. Nin gelyaw farala noggon kan ka jikogelyea ke pentenkelenwu ye. Barazi ji jara; mansin saba minnu tun be ji lase dugu ma, fila jora olu la. A to kelen fana be nimakaran na, bawo o be ka bogaji doron de sama sisan, sanji te ka na. Ko-da-ko-ma ye kolano ye. Kodiarijorodow be yen i n'a fo cemanceyanfan ani tilebinyanfan, olu be tufin kono, ji ka ca o yorow la.

Nka Korogo te jibayorou ye; ni tineni farala o kan, a be ke danteme ye. «Sodeci», n'o ye Kodiari kurankon a jiko cakeda ye, o binna sefawari miliyari 20 na, kels y'a sababu ye. A san fila ye nin ye, a ma se ka a ka minenw lakuraya. U caman tineni don, k'u noggon, ka nson wuli u la. On'a ta bee, baara be ka ke n'u ye. O be ke sababu ye ka ji banakisema lase mogow ma. O fana n'a kolobow be noggon na.

Worobine be tige suma dow ka se fo tile saba ma. Mibili ni motokoyorow datugura. Tobilikeji yere soro kera babugubaara ye. Ajirala dugumogow la u ka worobineji wuli folo sanni u k'u makone n'u ye. Mogoncaman te ka oladilikan in labato, bawodogoko ka gelen. Dugu faamalamogow be to ka bidonkonoji sanimanw san, o songo tun ye 90 ye, nka sisan bidon kelen songo yelenne ka se sefawari 140 ma. Fanga kura mogow, n'o ye banbaanci koro ye, olu de ka mara be boli Kodiari kenekeyanfan kan; Korogo b'u ka mara, kono. Olu ka politikiton (MPCI) mogow wulila ka dugu maakorow segera u ka aladelikese sanji caman ka na. Maakorow ka jate la, jikodesse in sababuya be denmisew ka jogojuguyaw la dugu jimayorou la, ka nesin sigifew ma. Dugu dogotoro do, Yaya Kulubali, o y'a kanbila, k'a jira ko-ni sanji ma na kosebe tile fila in na, kolera, n'o ye kufilanantu ye ani kono bolibana suguya caman bennu jensen dugu kono.

Ali Watara  
Mahamadu Konta

## Lakanabaliya damatèmeña Burukina

Faantanya digira mogow la, o kofe maramafenw cayara jamana kono, olu kera sababu ye ka lakanabaliya wara Burukinafaso jamana kono. Taama duguw ni nogon ce kera farati belebele ye bi. Nka o n'a ta bee minen te lakan tigilamogow bolo ka tijenikew law kele. Nin san damado in na, dugubaw ni dugu misenniw kono, i be binkannikew law kunkan mentuma bee : siratigelaw, mobilinsonw, bagannsonw, ani jadow, mogo minnu be bin dugu misenniw kan ka taa ni nafolomafenw ye. Burusiw kono, siratigelaw kelen be k'u ka daga bilen sigimogow dala, k'ubolofenwntaraki. Mobilikontaanaw, bandiw b'olu lajo, k'u lajigin, k'u lada, k'u ka

nafolomafenw bosu u la. Dogokun te teme kasoro kunnafonidilaw ma nin waleya jugu ninnu do kelen lase mogow ma. Binkannikela ninnu ka wale daw kuntaala be janya fo k'a damateme nka lakanabagaw te ye. A kalo damado ye nin ye, bandiw farinyara ka sorodasimobili do lajo kungo kolon kono, fosi ma bo a la. Taamasiraw kan, a to kelen be yere lakan ye. Cakeda minnu ka baara ye taamadenw donini ye mobilibaw la, olu y'u tege di zantaramuw ma, olu n'u ka marifaw be don k'u sigi ka mogow lakan. Burukina binkannikela ninnu labennen kosebe u ka baara jugu ninnu kama, u feere ka bon wa u te siran fosi ne. Jateminew y'a jira ko

## Faransisigi yamaruya seben soroli te kolokolo ye

Faransisigi geleya taara ka fo dan. Dunan minnu sera ka don, n'u ma yamaruya seben soroli ka sigi Faransi kono, olu daw b'u jatigila ke lotolisow ye. O dunanjiginsu ninnu fana n'u geleyawdon, bawoumajok'ubereben denbaya dagayoro kama, du kelen mume. Faransi sariya b'a yamaruya u ka jamana kan, ka dunan suguya daw bisimila sanni u ka sebenkow n'u ka baarakow jenaboli ce. U be bila sisow kono, k'u balo, k'u furake, k'u lakan. Ubelajere yoro kerenkerennen minnu na, jama cayara o yoro ninnu ma. Faransi nemogow wajibiyara ka lotoli daw bila dunan ninnu ka bolo kan. O lotoli ninnu caman lahara ka jugu : u koronnen, u nogolen, ni kasobon te sanganojogn t'u la.

Peresidan Zaki Siraki ka pariti (UMP) senateri do y'a jira ko musaka min donna dunan ninnu ladonni dafe, o benna Erowari miliyon 107 ma san 2001. San 2002 ta benna Erowari miliyon 170 ma. U ye Erowari miliyon 239 musaka san 2003. O n'a ta bee, Faransi jekulu min ka kelle kun ye bee ka se ka du soroli (DAL), o y'a jira ko jamana nemogow ka baara ye tokaje ye, bawo nimisiwasa t'a la dunanw bolo. N'a fora isisonin kelen, sodennin kelen ka ke du mume siyoro, a munumununyoro, a ka finikoyoro n'a ka tobilikoyoro ye, bee b'a don here'e t'o la. Salon, dunan minnu y'u ka jamana bila k'a sababu ke politikiko, kelle, siyawoloma n'u nogonnawye, Faransi y'omog 68.420 bisimila. Olula, mogo 11.493 dore de ka sebenko sera ka jenaboli.

Awirilikalo temenen in, san 2005, Lotoli min be wele, «Pari opera», o jenina. Dunan 24 ni tora a la.

Denmisennin 11 b'olu la. Dunan kerenkerennen ninnu yamarualent ka baara ke u yere ye ka fen nini sanni u ka sebenkow ka jenaboli. U degunnen don; u te baara ke; Faransi min ko a b'a jo n'u ye, o deselén b'u koro. Kogoya ani kontokontoso. Anbalimamuso do, a togo Filifen Kamara; a si be san 32 la, den fila b'a bolo : Musa (san 4) ani Malamini (san 5); Filifen ce bolila ka a n'a denw to faso la; o kera an fe yan Mali la. Muso in y'i kurutukurutu ka don Faransi, k'i yere kalifa dunandemesow la, o ma jenaboli. A ka sebenko ma se ka jenaboli, kuma te baarako ma. Ay'i jenadogo du lankolon d'kono, ka soroli yamaruya si t'a bolo, a n'a denw; so dennin kelen pewu, min kono ye meterekare 10 ye. O sodennin kono, dalan, kuranminen ani fuurunin do be yen. Memé do fana be kererefe, u b'u ka minen daw bila o kono. Tulonkeyoro te den ninnu bolo; u te bo so kono. U bagannama don, u te fosi kalama. U te fine numan sama k'a bila. Nogo ni kasa jugu ye dunan denw caman ke sisantow ye.

N'i ye jatemine ke, san 1998, dunan kerenkerennen ninnu hake tun ye kerenkerennen (minnu y'u ka jamana bila, kelle, polotikife 24.000 ye Faransi. O hake in sigiyoroma saba de be yen bi.

Wa dunan kelen-kelen ka seben fesefeseli, k'a don n'u ka kan ni Faransisigi yamaruya seben soroli ye walima n'u man kan n'a ye, o be se san 2 ma. A fo fura be nin geleya in na?

Mukutari Kani  
Wensan Hilidi  
Mahamadu Konta

Burukina ni Togo, Benen ani Nizeri dancew de ye tijenikela ninnu dagayorow ye. A ma ne min ko a kera o ye. Iakana tigilamogmo ye wulikajow damine o yoro la u ni bolifew ni maramafenw ka dankari mogo jugu ninnu na. An k'a don k'a fo kellekemarifaw suurula Burukina kono nin san damadou la i ko sanjikise, ka bo Liberia, Saralon ani Kodiwari. Maramafen jugu daw be bandiw bolo, o nogon te hali sorodasiw bolo. San 2004 na, bandiw ye polosi ce 3 daji Kupela mara la, o ni Wagadugu ce be km 200 nogon bo; koryonyanfan fe. U taara ka dan ke fana, nka u tege fila kera u ku ye dogokun damado o ko, Gana jamana lakan tigilamogow fe. Faantanya damateme fana sen be tijeniba ninnu ju la. Baara te mogo minnu bolo ka ke., olu ka ca. Mogo minnu fana nana ka bo Kodiwari ni kele y'a sababu ye, olu nana fara baarantanwkan. Akera sorobajaami ye. Daw kelen be k'u ta ke tijeni kunkelen ye, u te juman jini a to la bilen. O kelen min ke, mogo daw somi janyara, k'a ye, ko lakan tigilamogow daw ni tijenikela ninnu be je la. Bawo okutoburukalo temenen in san 2004, polosiw ye makobatigi do mine min ni bandiw da be file kelen na nka sukoni duguje ce o bilala.

Sisan koni, Burukina faamaw y'u ta ke kelle kunkelen ye, fiyentobere, jenini t'a la. Tijenikew law mana ye yoro o yoro, mugu be dasi u la. Mineni t'a la, kuma te kasoko wali kiirisolataako ma. O kelen min ke, josariya lakanabagaw ye mankan bo, ko fagaliba in ka dabila, bawo mogo minnu fagara, olu su tun be yereke nbeda kan, k'o ke ka jama laadi. O n'a ta bee, Burukina lakanani minisiri, Koloneli Jibirili Basole y'a ka nimisiwasa jira bawo kabini fagaliba ninnudaminera, bandiyaba nogoyara. A y'a jira ko mogo caman bena ta polisiya la, ka polosi daw gere kerenkerennenya la dugumogow la, lakan ka sabati jamana kono.

Minenntanya, maramafenntanya, bolifennntanya, telefonintanya, ka fara saraw dogoyal kan. O ye polosi daw bila jeniyajirataama na k'u ka nisongoya jira, ka deme jini goferenaman fe.

O senfe polosi 500 bilala ka bo baara la an'u nemogoba daw. Nka jamanakuntigi y'a bolo da a dusu la, ka polosi gennen ninnu makoto walasa wote nata in da ka diya a la.

Bagasi Kura  
Mahamadu Konta

## Ganbi, gofərenaman ye jamanakɔndonsen da gelyea

Dunan hake min be Ganbi jamana kan, o ka ca ni jamanaden tilance ye, walasa ka Ganbi kono donni negebo dunan sebenntaw na, peresidan Yaya Jammeh gofərenaman b'a la ka wariba bin u kan.

Nin waleya in daminena Banjulukabini san 2003 zawuyekalo la. Ganbi jamana kan, senegalika ye mögo 400.000 nɔgɔnna ye, Gine Konakirika ye mögo 100.000 ye, o nɔgɔnna maliden ni nizeriyaka ni saralonka fana be yen. A kelen be sababu ye dunan 250.000 min be Ganbi, n'o fanba ye senegalikaw ye, olu k'a naniya ka yen bila. A tɔw koni b'a fe k'u jilaja yen dogodogonindogo la. Ganbi faamaw y'a jira k'olu naniya te farafinden tow genni ye ka bo u ka jamana kan, nka u b'a fe u ka jamana kɔndonnisebenw ta, i n'a fo a be ke jamana tɔw la cogo min na. Nin kunnafoni sɔrɔla Musa NBobu fe, ale

ye Ganbi kono donni cakeda nɛmɔgɔba ye. Seben tali Ganbi jamana kono donni na, o sariya in dajirato depitew la, Ganbi nafoloko minisiri Famara Jata y'a sinsin a kan, ko ni dunan 800.000 min be Ganbi, olu mana sebenw ta, o be ke sababu ye faso ka nafolo caman soro ka bila 'a ka kesa la. A san fila ye nin ye, dunansebenbora sefawaridɔrɔm 975 la, ka ke 19500 ye. O be ben lakolikaramogokelen ka kalosara hake ma Ganbi.

Ganbijamanadenkuurutetem mögo 1.300.000 kan. Sebenw songo caya kama, dunan bère selen te k'u ta folo, wa u ka kan ka wusuru min sara walasa u ka se k'u ka jago ke u fere ma, ofana ka ca. Gofərenaman b'a fe ka wariba minne dunanw na, nka u kana caya u bara. Ganbi ye angilew ka jamana maralen koro ye min coronnen don Senegalijamana kono,

a maka di Farafinna warjinina caman ye kosebe. Nafolomafen fosi te Ganbi dugukolo jukoro, a ka soro fanba be bo nedaa mudalaw ni jago kɔnnen kebaaw kun. O jagofen ninnu be bo Azi gun kan ka taa u feere Senegali, Gine Bisawo, Gine Konakiri ani Mali la.

Nka Ganbi faamaw be nin bée la, uka nafolosɔrɔsira in man di fanga sinamatɔn ni jamanaden tɔye, k'a sababu ke, ko Ganbi te se ka k'a kelennajamana ye «CEDEAO» jamana tɔw kɔ kan. «NRP» y'o fangasinamatɔn do ye, a nɛmɔgɔba n'o ye Madamu Amatu Bafu ye, ni depite fana don CEDEAO la, o miiri ye seben kerenkerennen ka di jamanadenw ma u ka munumunusaalo kama CEDEAO jamanaw kono.

Mahamed NBoyo  
Dokala Yusufu Jara

## Ofisidinizeri : San 2005 - 2006 naniya sirilenw

San o san Ofisidinizeri b'a ka laada tiime, n'o ye ka laje ke hakililafalenw na sene kura hukumu kono. Jamanakuntigi Amadu Tumani Ture kelen ko ka san 2005-2006 dabata lajeba ke Kita, Ofisidinizeri y'a ta ke ñonon. Zoni 5 minnu be Ofisi kono, o mögobaw n'a komini nɛmögɔw tun be kene kan. Jibolisira kura min be ka dilankala koronyanfan fe, Ofisidinizeri nɛmögɔba, ñonon ni Masina mara, nɛmögɔ 2, u konseyejekulu nɛmögɔ 2 ani ofisidinizeri kominiw nɛmögɔw jera ka tu ñeda okan. Kanari in janya ye kilometere 101 ye. Kilometere 40 de be ka laben a la; o benn a to, kanari in ka se kajiwoyo ka don foro taari 24.000 koro NDebugu zoni ha. Jibolisira in labennibaara caman kera kaban, kemesarada la tila kera 95 la tile 75 kono; o musaka benna sefawari miliyon 421 ma. Ofisidinizeri nɛmögɔba Isufu Keyita ka fola, nin kunnafonidi in kera laadako ye Ofisi baarakelaw bolo kabini cakeda in donna bereben kono san 1994. A y'a jira ko gelyea dɔɔnin y'u soro san temenen in, sabula, senekejekuluw ma se ka nɔgo soro a

tuma na, nka o ma ofisidinizeri bali ka suman toni 449.823 soro. San 2005-2006 in kono, Ofisidinizeri naniya ye k'a joyorɔfa kosebe dunkafa sabatili la Mali kono; a jigi dalen be toni 556.486 soro kono; kemesarada la, o be ben 62 ma, Mali ka san 2005-2006 malokaama soro ta la. Malo hake min ka kan ka soro Mali kono o be se toni 903.946 ma, kemesarada la, o be 63 ta Mali ka malodunta la; o jatelen don ka bila malokise toni 578.235 la. Ofisidinizeri ka nin laje in senfe, ladiyalifenw dira malosenena 2 ma. Mögo folo kera Alu Samake ye ka bo ñonon; ale ye malo toni 8 ani kilo 100 soro taari 1 na, ninan dabata laje min kera Kita, sefawari miliyon 3 senekeminen donna a bolo jamanakuntigi Amadu Tumani Ture fe. Mögo filanan ye Kalifa Jara ye ka bo Gulan, Masina mara la.

Sariya ni nafoloko kalansoba min be wele «ENA», o kalanden koro don. A sigilen don malosenne kan sisan, ale ye malo toni 7 ani kilo 700 soro taari 1 na.

Amagire Ogobara Dolo  
Dokala Yusufu Jara

**Sefawari miliyari 400 :** San 10 baara min bolodalen don ji saniman soro kama Mali kono, o musaka y'o ye. Wari benni ke ka ji sanimansoroyoro ba hake caman sen ani ka pɔnpew ni kolon koro caman lakuraya.


**Sefawari miliyari 4 :** Mali marayoro 5nan na, Jene ni Muna ni Sayi ce siraba dilanni musaka y'o ye, jekulu min nɔsinnen don yiriwali ma jamanaw ni nɔgɔn ce, kemesarada la o ye 90 bo musaka in na, Mali gofərenaman y'a to 10 bo.

**Miliyari 5ani miliyon 500 :** Fen min ye cakedaw (anterepiriziw) bère benni n'u bée boli ye nɔgɔn baarakcogo kalama, o musaka don. Gofərenaman ye nin waleya in sigi sen kan san 2004 desanburukalola. Kemesarada la musaka in 89 de be don cakedaw bère benni n'u bée boli nɔgɔn baarakcogo kalama dafé. Gofərenaman be 5 ni murumuru 3 bo o la, anterepiriziw be 39 ni murumuru 2 bo, barake nɔgɔn feeretigwi ni waritigwi be 55 ni murumuru 5 bo.

**Sefawari miliyari 47 ani miliyon 589 ani 152.000 :** Wusuru min benni soro san o san dibidianin sigibaaw la, o benni k'o hake ye. Dibidianin ye Bamako suguba do ye.

**Kemesarada la 80 :** UMOA jamanaw benni wajibya k'o feere u ka koori la dasu la n'u ni nansarajekulu ma benni fɔlen na.

## Musokonoma ni hakilisaalo ka kan



Muso garijigessoroko fo, a be fili a yere ma, hakili kelen fana te ke a la. Ola, a ka ni laadilibaa faamuyalen ka soro a la.

Ni konobara be bonya ka taa a fe, do be fara muso ka siran kan. A ka kelennakuma be caya, sabula, yelema kura donto don a ka dinelatige la. N'a y'a yere si hake jate mine, a b'a miiri den in soroli diya n'a goya la. Nininkali caman bena a hakili la waati dow la : Mun bena bo nin konobarako in ko? Ne ka kan ka mun ke? Ne ce bena nin den in mine cogo di?

Muso dow ka konomaya konona na, olu ka hamina jugu be ke sababu ye k'u fari boli u kan, dow be ke i n'a fo u

t'u yere ma. Konomaya banaw n'a foono misenninw ani a jenaminiw be muso caman sirankun bo. Nin miiriya caman in be na musokonoma bee la, nka, u ka du tariku ani siginogonw be deme min donula, olude be konomaya degun nogoya u bolo. I n'a fo Korini Antuwani b'a jira cogo min na. Korini Antuwani ye dogotoromuso ye min be deme don mogow la hakilijagami konona na.

Konobara mana sebekoroba buulu bo, o b'a jira ko denko kera sebe ye; yelema be don musokonoma ka kelennakorofow kononinkaliw la. A ka kuma bee be boli den kan o waati la : Nin den in bena bo mun fe? A fo a

## Jolicayabana ka ca Tumutu musow la

An b'a fo bana min ma an fe yan jolicayabana ni dow ko a ma fana «tanson», o ka tijeni barika ka bon kosebe Tumutu mara la sango musokunda. Dogotorow ye jo icayabanabagato 840 soro dugu kono, u fanba ye musow ye. O sababuya bora Tumutu musow cogoya la. Musow bilalen be neema na, daamu, dunkafa; u te minen bila minen kono.

Jolicayabana in be kunkolodimi gelon bila mogo la, jenamini, nedimi, tuma o tuma jeneneke ani nunci. Bana don min te se ka kenye ka ban pewu. N'a y'i mine, i n'a be sa ni pogon ye. Nka a te se

ka mogo faga yoronin kelen n'i ye furaw ta ka dogotorow ka laadilikian labato.

Kogodunbaliya ka ni ani tulumafew bilali. Tuma bee, jolicayabanabagato ka kan k'a ka tanson laje, ka feerew tige ni dogotorow ka yamaruya ye, ka furaw ta a ka se ka jigin n'o y'a soro a yelnnen don.

Tumutu ta geleya yoro de ye dogotorosolataa matarafabaliya ye. Jolicayabanabagato te son ka taa dogotoroso la fo ni bana ye kene ke tuma min na.

Asura Alibaja  
Mahamadu Konta


tena sabati? Korini Antuwani ka fo la, musokonoma be se ka nin yerejininkali ninnu ke a ka dogotoro fana na. O b'a ka haminaw jate mine k'a son hakili numan na. An be don min na i ko bi, konomaya kunkanko caman sidonnen don minnu b'a to musokonoma farilakow ka jeya a ye. Musokonoma kalo 3 fo, n'a lajera mansin na, a be don ni baasi fosi te den na. Hali ni degun were be se ka den soro o kofe, den cogoya koni be don otuma na. Konobara kalo 3 filanan konona na, den be to k'a lamaga, o waatiw be ba hakili jigin mogo do nani na dije kono. A be to k'a yerejininko nin cogo la : Ne ka kan ka n ke cogo di? Ne na ke denba juman ye wa? Denbatigiya kecogo feerew be na a hakili la. A be ke fo musokonoma dow be jen u yere feko la o waati. Ba yere cogoya ka fara a minecogo numan kan a ce fe, o b'a hakili sigi kosebe k'a da a yere la. Ce ni siginogonw ka kan k'u bolo don a koro k'a laben ka bila denbatigiya ne. Degun minnu be konomaya la, n'olu ma furake senfe ni furaw ni hakili juman ye, u be laban ka ke geleya ye den n'a ba ce. Muso jigituma mana se, o jore ka jugu n'a tow ye: jiginni dimi jesiranja, ni fanga ma soro fari la ka den boli nogoya, konofarai kana na taa bo ala basi caman bonni. K'o hakili ninnu to musokonoma na, a man kan ka mogo were nininka o ka jiginni kow nefo a ye. Sabula mogo bee n'a jigincogo don. Muso koni k'a to a hakili la tuma bee ni gerijegc soro la ka den kogo, bangeli b'o kofe ka na. Minen caman be dogotorow bolo den ni ba kisili kama ni bange geleyara. Muso minnu Ni be siran bangeli ne jiginni tuma, giliserini be do ne o la. Nka a numan ye musokonoma ka ye bangeli kunkabarow kene kan keneyaso la. Ob'a to musokonoma k'a ninakilicogo n'a lasamacogo don jiginyoro la ani ka hakili la falen k'en'a musokonoma lagoon tow ye. Ni musokonoma be to k'a yere nisondiyakow ke ani ka koli caya tile kono, o be hakili juguw bo a kun na, wa ni musokonoma be taa jenajekoyorow la walima ka dognkiliw lamien arajow la, o ka di den ye fo ka damateme.

Dokala Yusufu Jara

## Mali ka di

Malidenw, aw nice,  
aw ni hadamadenya  
aw ni dunanbisimilacogo  
numan  
aw minnu kera n  
balimaw ye,  
a' ye n ka kuma lamen:  
hadamadenya be ke cogo min yan  
o nōgōn te soro  
djē fan tan ni naani si la.  
n'i ko i be taa dugu o dugu la,  
hali i ka mogō si te yen,  
i te jore siyōrō ni dumuniko la,  
o be ke min, ni Mali te?  
n'i ko kōngō b'i la, baara ma soro,  
i kunkow cayara ka ta'a fe,  
i be taa sigi i teriw fe,  
k'u layelē ni i ka baro ye,  
k'u nininka u yere kunkow la,  
ka dugawu caman ke u ye,  
Ala n'i be wageya ke, fo u te somi  
ko kunko b'i yere da la,  
o be ke min, ni Mali te?  
n'i ko bana jugu b'i den na,  
o furake wari t'i fe,  
i be taa do nōfe,  
donbagaya t'aw ni nōgōn ce,  
kuma te teriya ma,  
n'i ko a ma «n dēme» dōron,  
hali n'i m'a kun fō, a be i bolomadēme  
o be ke min, ni Mali te?  
n'i ko jamana kelen kōno,  
siya caman ka sigi here la,  
ka tulonke nōgōn fe,  
ka kēle temenew ke yelekofen ye  
ka mogōw fō ka bēn,  
ni sinankunya ye,  
o be ke min, ni Mali te?  
Minnu b'a fo ko foyi te yan faantanya  
ko,  
Bamananw ka ntalenw lamen :  
A fōra ko jigi ka fisa ni fa ye.  
Mogo jigi de ye mogō ye.  
Siga t'a la, faantanya be Mali la,  
Nka hadamadenya nōgōndēme be  
yōrō min,  
Aw kana fō o yōrō ma,  
Ko foyi te yen.

Jeneba Bagayogo,  
ka bō Kucala



Jeneba Bagayogo

## Dōgofiri : Pelukan musow ye tile 45 kalan ke

Pelukan musow ka tile 45 kalan kuncera karidon zuwenkalo tile 12 san 2005.  
Dugu in nēmōgōw ka kolōsili bora a kan, k'a fōkunfinya bēna ke usiginōgōn ye; jankomusokunda. Okadara kōno, nēmōgōw ye sefawari dōrōme 30.000 ta dugu foroba nafolo la, k'o bila balikukalan kunkōro. U ye muso 25 tōmōk'olu kējinankalanden kūnfōlōw ye.

O kelen, karamōgo Babari Balo ni Jarakala Hawa Dajō, olu y'u wasa don muso 25 ninnu kalanni na tile 45 kōno.

Bee b'a dōn ko tigaforo te mogō dogoyōrō ye. Walanbila kēne kan, sēgesegeli kera dugu nēmōgōw sen kan. Tjē na, u ma bin u ka nafolo bōlen na, sabula, a kera kunkōrōtako ye. Ninye kalan sira talen ye Pelukan dugumōgōw fe.

Jarakala Hawa Dajō ka bō Pelukan  
K19 la, Dōgofiri komini na

## Senekelaw be kule ko geleya be...

An be don min na zuwenkalo tile 26 nōbōre 1 ye dōrōme 4.200 ye. An senekelaw bēna mun faamuya nin ko in na; sabula an yerebē geleya ta ka nōgōn sēgerē.  
N'i y'an senekela dōw nininka, olu b'a fe nōbōre 1' ka ke dōrōme 5.000 ye. Senekelaw dun be kule la ko geleya be u la.

N'i ye senekela kēmesarada, 80 ye soro ke ninan; 20 ma fen soro. Munna o 80 te hine 20 in na?

N'i y'a men ko «CMDT» ye mandiya soro, a be juru min don senekelaw la, o mandiya de b'a kan.

N'i ko senekela misi camantigi ka misi 1 juru don a senekela nōgōn na, a' na tige nōgōn na; sabula, a te soro, walima a n'a di kunnadali kōno.

O de koson senekelaw be kaari ka juru nini dēmedonjekuluw la ka teme u yerebē kan.

Juru man ni senekela ma, nka sentanya de be mogō caman don a tali dafe.

Nuhun Legaran Kulubali ka bō  
Karaya-Kurujula, Benduguba  
komini na

## Binfagalan wari ka ca sumansōngō ye

Binfagalan b'a la k'an senekelaw ka soro nagasi san o san. Kita mara la, a san damado ye nin ye, senekelaw be kule la kōri bolo.

Nka ni kōri kera mura min ye, a murasōgōsōgo ye binfagalan ye. Sēgen o sēgen be senekelaw kan bi, n'iye binfagalanko sen bō a la, a to be nōgōya. Wari min be don binfagalan na sisan, hali o te don suman dunta la. San kōno, n'i y'i ka soro kiime k'o ni i ka binfagalan musaka bōlen sanga nōgōn ma, i b'a dōn k'i ma soro ke. Ni seneko ma nēlini ji nēmajōlen na, cikela ka sēnefēn fanba be taa a ka san sēne kelen musaka sarali dafe. An bēnbaw y'u ka waati bee ke dabankurunni na, u ma dēse u da balo n'u ka musakaw la, wa, an ma juruko men u kanna seneko la.

Banba Jara ka bō Surukun  
Gangaran, Tukōto komini na Kita

## Kōriforow ka bon ni nōforow ye

Ne jorela, nhamina. Jaa mogō be kala ye k'i ne turu a la. Nōbōrō kelen 4.400, kababōrō kelen 3.800. O sababu bora mun na? Kōrisene.

Tjē don sanji dēse kera, nka n'a fōra taari 10 forotigi ka taari 7 ke kōri ye ka 3 dama ke nōye, wajibi ye balodesi ye. Bawo juru be kōritigi caman kanna. Wari ma soro, balo ma soro. Geleya damatēmena. Hakili de be baara ke; a fō tulotige te fali somi? Ninan 2005 kōriforow ka bon ni nōforow ye. Sanjidēse mana ye Mali kōnōcogoo cogo, balosene bilali kōfe, o noba be geleya la.

Seku Umara Konare ka bō Jifalen,  
Jedugu - Torodo Komini na

**Miliyari 1 ani miliyōn 100 :** O ye wari ye min bēna don izini do joli dafe ka kōri buruburuw ke nafamafen ye. Kōri kanpani o kanji, a be ke sababu ye ka sefawari miliyōn 357 lase jamana ma ani ka mogō 48 bolo don baara la; 10 nōgōnna ka baara be ke kanpani kōnonaw dama ye.

**Miliyari 192 :** o ye wari hake ye min dara wusuruminenaw ye Mali ka san 2005 baarakēnafoloko hukumu kōno. N'i y'a suman san 2004 ta ma, kēmesarada la ninanta ka ca n'o ye ni 23 ani murumuru 5 ye.

## Yala Farafinna laadalakow bē k'a ka yiriwali bali wa?

Nin ye hakilijagabo ye min kera tile 2 njogonye senfe. Dogon ye min sigira senkan «I.H.E.M.» fe

Bamako. Nin y'a siye 5nan ye



**Yusufu Ali Watara**

masalakun do bē ke jekulu in fe yiriwalikow kunkan. Ninan ta kera «laadalakow ni yiriwali kan. Ko : yala nanzaraw bē yiriwali jate mine filelan min na, o ni an ka yecogo ye kelen ye wa? Ne hakili la, u te kelen ye, wa u te se ka ke kelen ye. Ka d'a kan, n'i ye forobacakedaw, forobanafolow baaracogo, hali kenyereyew taabolo jate mine, i b'a soro an n'u ta te kelen ye, hali ni sariyasèbenw b'a wajibiya u ka ke kelen ye.

Misali : «Kapitalismu» n'o ye lamerikenjamana taabolo ye, o b'a nini ka Hadamaden yiriwa, a kelen. Jejogonya min be hadamadenw ni njogon ce, o ye fenko de ye, hadamadenya te yen. lamerikenw doron te, tubabu bēe taabolo don. Ne hakili la, o te ne an fe yan, bawo, n'i ko yiriwali, ni mogo kelen ye fen soro, bēe de ta don : balimaw, buranw, signjogon-sigida, jamana. An ka laadaw don, o ye tine ye, nka o bēejfenko de bē an ka yiriwali nagasi ka d'a faamubaliya kan. Bawo, dōw b'u ta balimaw ka soro fe, ka ban baara ma. k'u sigi, k'u bolofila da u sen kan. N'i dun y'a file, mogo 1 fen tigi, mogo 10, 20, 40 dulonnen i la, i laban be jigin. Ala k'an son hakili. Nka yelema de ye fen ye, a bē munu-munu i ko tile foyi te se k'a lajo. Ni waati min sera, o kow de bē ye senna. O korsurun ye, finidonta n'a doncogo yelemana, dumuni ni dunfénw bē ka yelema, hadamaden ni hadamadenya bē ka yelema, dubaw bē ka jensen, an ka duguw nénaje caman bē ka dabila wali a te ke i ko folo, hali jamana nénajew ye

sira kōrow bila (biyenali, setanburukalo tile 22).  
Nin bēe ko, ne bē nininkali min ke : An ka kan ka sira jumen ta? Ka to korolenw kan wa, tari ka taa kokuraw fe?

Kolosili: Korolen bēe te numan ye, kura bēe fana ce man jugu.

**Yusufu Ali Watara Ofisi Segu  
BP. 94 Segu**

## Kaariw ka kan ka Sotaramaw no ladilan

Kaari minnu bilalen bē kinw ni njogon ce, ni faamaw m'u janto u la, u ka kasaara bē son ka caya ni Sotaramaw ta ye. Bamako, kaariw te boli jamana tow faabakonokaariw bolicogo la.

Yoro tow la, kaariw bē mogow ta k'u jigin pilaki ni pilaki; nka Bamako yan, pilakiko t'a la. U bē to ka mogow tomo-tomo sira fe, i n'a fo sisew bē sumankisew sogen-sogen cogo min na. Kaariko dabora lafiya min kama, a laban, n'a tora nin cogo in na, baara bē geleya. Sira belebelebaw te kinw ni njogon ce, u sennataamanin ka gelen, kuma t'u bolili ma bolifentigiw fe. An bē yoro min na, bolifentigiw kelen bē ka hadamadenw ni siri ka da u kun. Ni faamaw m'a laje pilakiko ka matarafa dugubaw kono, kaariw ni Sotaramaw mana caya ka teme nin kan, a geleya tēna dogo mogo si kelen na.

**Yaya Mariko ka bō Senu Bamako**

## Poyi : Tine

Mogo kera cogo o cogo,  
N'i kera tinefola ye,  
I ka ko bē barika.  
Bi, anw ye wari bila tine ne.  
Ni wari b'i kun kaban, i ka nkalon te don.  
Tine te fo sigidalamogow ni njogon ce tuguni.  
Anw ye tine da an senkoro k'a tereke.  
Tinefola koni ma ka go,  
Nka a bē laban a ta la  
Tine,  
Ala ko tine.

**Isa Jalo ka bō Kodugu Kati mara la**

## Tisala yerejeton y'a ka kalo 3 laje ke

Sanando komini na Segu mara la, tisalakaw y'u ka ton ka kalo 3 laje ke alamisadon zuluyekalo tile 14 san 2005. laje in bilala hukumu min kono senin, otunye ka Sanando kominiden bēe lajslen bo yerejeton nafaw kalama.

Sanando «superefe» ni komini nemogoka fara komini mogoba caman kan, nin bēe tun welelén don laje in na, k'a nemogoya don «superefe» yerebolo, n'o ye Iburahima Angoyiba ye.

Yerejeton sababuya la, sigida in ye kenyereye Arajoso soro k'a togo da «Sigi te maa son».

«Sigi te maa son» bē komini 4 wəre lasoro ka fara Sanando kan. O ye Teserela, Gendo, Nkasola ani Falo kominiw ye.

Suman lamara mangasa jora Sanando komini dugu 30 ninnu dōw la, balokogeléyaw kumbenni kama. Tisala ni nansaraw bolo bē njogon bolo yerejeton jidili kama. Ton in nafa do fana ye musolajiginnaw kalanni animusow degelitobili kecogo numan na. Yerejeton nemogoba n'a dankan ye Adama Togola ni Zuma Kulubali ye.

**Modi Sila tajifeerela don Nkolonina Bamako**

## Senekela balo man di warije dama na

Balo geleyara, ni senekelaw m'a laje sa, a kera baara ye. An senekelaw banna sene ma, k'a ke nafoloniye. Odeye balo geleya jamana kono. Bēe nata bonyana, kooriforow fana ka bon ni nōforow ye. Ko n'i ma kōri sene, i tēna wari soro.

N'i ye wari soro, n'i ma balo soro ka fara a kan, warije dama mogo balo manti. Waati min na kōritun bē sene Ofisi kono, n'i ka foro tun ye taari 5 bo, u tun b'a fo i ka taari 3 ke no ye.

Hali fan tow fe, nōforobaw tun bē sene wa wari fana tun bē soro.

Sisan ni samiyé donna, i te fosi men senekelaw dala ni dugukoloko mankan te. U bē soro ka njogon wele fangaso la. Samiyé bē ke kiiri taabasegin na. Ji tigeto ye, kōngō daminetiye. Senekelaw, yoro fitinin baarako numan, o ka fisā ni yoroba lankolon ye de! An ka politiki to mogo lafiyalenw bolo.

**Bakari Danbelé ka bō  
Sikaso - Wayerema 2 la.**

Kalankene N° 30nan

## Jate dans wərew

dɔgɔyalenba = au moins

cayalenba = au plus

koorikelan = compas

selekemankandilan = équerre

selekesumanan = rapporteur

falenni = conversion

nɔnkɔnjɛ = coudée

musaka = coût

kibù = cube

buru = cylindre

jurumantigi = débiteur

degere = degré

tilance = demi

tilalilan = dénominateur

dulenga = densité (liquide)

musaka = dépense

juru = dette

koorikɔnci = diamètre

danfara = différence

sumada = dimension

kuntilemma = direction/objectif/but

tilata = dévidende

kuntaala = durée

sangasanga = échelle

dɔnɔn = emprunt

bilankɔrɔ = épargne

bəremakɛnɛ = équivalence

filli = erreur

kiimni évaluation

kɔlosili = remarque/suivi

lakika = exact

wuya/nkalon = faux

sawura = figure

tilada = fraction

musaka = frais

garamu = gramme

kulu = groupe

kundama = hauteur

bisigya = hypothèse

yaka = impair (nombre)

dɔnbali = inconnu

tilenbali = incorrect

danntan = infini

nafa / tige = intérêt

kərenaani = quadrilatère

kulukutu = sphère

kuma = théorie

yari = yard

kafoli = addition

kafolan = le signe (+)

kənenan / 0 ... ye = le signe (=)

dɔboli = soustraction

dɔbolan = le haut en bas

bɔlen = de bas en haut  
sigiyɔrɔmani = multiplication  
sigiyɔrɔmalan = le signe ( x )  
sigiyɔrɔmata = multiplicande  
sigiyɔrɔalilan = multiplicateur  
sigiyɔrɔmanen = produit  
tilali = division  
tilalan = le signe ( : )  
tilata = dividende  
tilalan = diviseur  
niyɔrɔ = quotient  
tɔ = reste

warilasangonyɔrɔ = caisse d'épargne  
jagokun / manankun = capital  
sumanijɔlɔko = chaîne d'arpenteur  
sangaŋogɔnmalan = coefficient  
sigiyɔrɔfalen = commutativité  
bɛ se ka tila = divisibilité  
kunkantɔnɔ = intérêt du capital  
furancɛ = intervalle  
dasogolonnen = nombre complexe  
da murumuruma = nombre décimal  
da dafalen = nombre entier  
datiladama = nombre fractionnaire  
fujeda = nombre négatif  
fukanda = nombre positif  
saba sariya = règle de trois  
tigina = schéma

Mahamadu Konta

Dukene 14nan

## Mali furu sariyasen : Ce ni muso joyɔrɔ ani u ka hakew

Lawale la, Mali yɔrɔ bɛe n'a furudoncogo ani yɔrɔ bɛe n'a furulaadaw tun don. Mɔgɔw tun b'u minɛ u hakilila tensabula usébennen tun tɛ.

Walasa ka furu kɔcogo forobaya ka kuntilemma kelendi a ma, sariya sigira a la san 1962 k'o ke sèben ye min bɛ boli maliden bɛe kan.

A sariyasenw ka ca nka, mériw bɛ furuw siri ni nin sariyasen damado ninnu ye.

Sariyasen 7nan : Muso min furu ma sa, o tɛ se ka don furu kura la. Musokelenfurulaw fana ta b'o cogo la. Ce min mana lahidu ta a muso furuto, k'a tɛ dɔwɛre fara a kan, n'o hamī jora filananfurū la, o tɛ se ka ke fo ni fɔlo jenna n'a ye.

Muso min mana don furu kura la kasɔrɔ furu kɔrɔ ma sa ka bɔ a kunna, o ka kasɔ hake b'a ta kalo 6 la ka se san 3 ma. A bɛ laban ka alimaní sefawari dɔrɔmɛ 1.200 sara fo ka se 120.000 ma. Musokelenfurulaw fana ta b'o cogo la. Musonaanitigi mana muso 5 nan ta, o bɛ nangi o cogoya kelen na. Méri min mana a tugu ka furu siri sariya ka nin ko konnen ninnu kan, o fana bɛ nagi sariya sosobaaw nangicogo la.

Sariyasen 8nan : Muso 4 bɛ ce min kun, furu wɛre te daga o ye.

Sariyasen 32 nan : Ce ka kan k'a muso ladon, muso ka kan k'a ce

bonya. Furuce ni furumuso fila bɛe ka kan ka nɔgɔn makoto, ka tilen nɔgɔn ye, ka nɔgɔn bolomagen ani k'u janto nɔgɔn na.

Sariyasen 33 nan : Furu koson, a wajibiyalen don furuce ni furumuso ma, uka nɔgɔn bilasira ni hakili juman ye, k'u makonfɛnɛ lase so kono, ka denw balo, k'u lakana, k'u ladamu ani ka sinjɛnesigisira laben u ye.

Sariyasen 34 nan : Ce de ye dutigiye. O la :

1 - du doni fanba b'ale kun,

2 - a sago bɛ sigiyɔrɔ la,

3 - Muso wajibiyalen don ka to a ce ka so. Ce diyagoyalen don ka son a la.

Sariyasen 35 nan : Musocamanfurū hukumu kono, furumuso kelenna bɛe bɛ jate sariya la a damana denbaya ye. Ni muso n'a ce te baara ke nɔgɔn fe, a ka kan du musaka dɔ bɔ.

A tɛ daga ce ye a k'a muso dɔ bolofɛ ta k'o ke k'a muso wɛre ka kunko dɔ latɛmɛ. Nin sariya ninnu dalen ko furu nɔgɔn ninnu n'u seeres tulo kan, ni ce ni muso jenna n'u ye, méri bɛ sɔrɔ ka furu siri u ni nɔgɔn ce ni nin kan in ye:

«Furusiri yamaruya bɛ ne min bolo ani furu sariyaw koson, ney'a di nɔgɔn ma furu la, a hɛre n'a bɔnɛ kono». Furusariyaw sigili Mali kono, o dabora ka furu nɔgɔnwlakanbasigika sabati; ye hadamadenya sinsinnan ye.

Dokala Yusufu Jara

## Nafolomugu tigera Senegali diinetonw na

Diinetonw ka ca Senegali. U fanga ka bon. U ni Larabujamanaw tēge bē nōgon bolo nafoloko nasirawla. Kabini silame dōw donna mugujuguperen na dijē nēfē, ka Lamerikenw ni nansara caman bōne unina, k'umakosa, nafolo tigera Senegali diinetonw na. Siga kera u ma k'u ni mugujuguperennaw bē je la, n'o ye terorisiw ye. A' hakili b'a la, san 2001 setanburukalo tile 11, Beniladēni ka mogowye pankurunw ta ka Lamerikenw ka Sankanso belebele fila kari ka bin, ka mogo ba caman ni tine. K'a ta o don na fo bi, Lamerikenw ni mugujuguperennaw bē nōgon na, su man di, tile man di, hali ni sōnni kera min fē, o ta fila ni cētige.

Geleya barika bonyalen Senegali diineton ninnukan, Makan masakēden dōy'u magen, o togo Sulitan Beni Fadi. O ye Lamerikejamana silametōn mogoba caman ka aderesi di u ma. O kuntun ye Senegali diinetonw ka se ka bataki ci Amerikisilame nēmogow ma, u k'a nini Ameriki gofērenaman fē, a ka julu yoba, Larabujamanaw ka se ka dēme kēuye bawoteriyasira sinessen bē Larabujamanaw caman ni Lamerikenw ce. Larabujamanaw bē ka jate la, Larabujamanaw bē ka dēme minnu ke diinetonw ye, o te ka ke ka

silameya dēme, k'a sinsin; a bē ka ke ka balawu wuli dijē kono, ka mogo gansanw ni tīne, ka dankari Ameriki ka nafasorosiraw la.

Alihaji Njogu Langiye Senegalidiineton kōroba dō nēmogo ye; ale ye jalaki bin kosebē Larabujamanaw masakew kan, bawo jaga ka kan ka di silame sēgenbaatōw ma. Jaga ye silameya josen duuru do ye. A mineni dagalen don silame faantanw ye. Mogo min ka sanbaara nafolomarata bē sesefawari 104.800 ma, o ka kan ka jaga bo. Mugan o mugan jaga bē bentama 2,5 ma.


San o san, tōnw ni jekuluw dōw bē arabula, olu ka baara ye nafolotigiw ka jagaw mineni ye k'u tila faantanjamanaw silamew ni nōgon ce. O jaga in caman tun bē jigin Senegali silametōn kan. O kera sababu ye ka lakoliso ni madaraso caman dayelē Senegali. Kalanden dōw bora o kalansow la ka taa u ka kalanw laban Koweti, Misira, Makan, Alizeri, Maroku, Libi ani jamana wērew. Senegali sēnēko Enzeniyeri caman kalanna Larabujamanaw kono. Irakijamana ye dēme caman ke Senegali ye o siratige la. Silametōn ma dan o ma; u kera sababu ye fana ka baara jini o

kalanden ninnu ye u ka kalanw kuncelen : gofērenamanbaara ani kenyereyebaraw. Kēmesarada la, Senegalika 95 ye silame ye, nka jamana bē baara ke ni kan min ye o ye tubabukan ye. Senegali silametōn ka cēsiri y'a to, larabukalanden minnu ye dōgōtōyoya, Enzeniyeriya, kunnafonidi, pololiki, karamogoya, wali ulemaya kalanw ke, olu ka se ka baara sōrō, tubabukankalannaw kērefe.

Sanni san 2001 setanburukalo tile 11 wale juguba in ka ke, sanni Lamerikenw ka peresidan k'a bolo nēsin jamana dōw la k'olu ye sitanjamanwy, Senegalisi lametōn tun b'u diya kosebē. Kowetikaw ka dēmedonjekulu dō bē Zigenori, Dakoroworoduguyanfan fē, kilometere 450 nōgonna na, o kelen dōron de ka baarakēbolow ma yēlēma; o ka baara ye falatōw ladonni ye. N'a bora o la, larabuw ka dēmedonjekulu bē bē gerente kono, bawo sōni kera u la ko u ni kojugukelaw bē je la. Lamerikenw bē ka gerente sigi larabujamanaw nēmogow kan, olu fana bē ka nafolotige dēmedonjekuluw la, Senegali diinetonw fana bē k'a ta u ninkini kan.

Musa Gasama  
Mahamadu Konta

## Bala ye nēnajefen kabakoma ye



Fōlo, ni bala tun mankan bora, makosa tun dabora dugu kono, sabula baara bēe tun bē jo fōlo ka balako bō sen na. Bēe bēna koori bala dala, hali ni bala bē dugu were la, cemmanninw ni musomanninw b'u ke sira kan, ka kulu janw yēlēn ka n'u sen jo balafoyoro la. N'u fōra bala kō tuma dōw la, u b'o waati bēe ke balako nimisa la.

Bala tun bē dilan ni lenken ye. A baladen 33 tun bē desē ka bila a ka sān 7 ke sanni a ka ton. Bala yēre dilannen don hadamaden sawura la : baladen 33 ye kō kolo 33 ye, balajiri

12 ye wo 12 min bē hadamaden na otaamasiyenye. Bala ye kabakoma fēn ye mogow bolo.

San 1300 waati, «Sosobala» tun bē sanga na maninka la. Bala in ye nēnajefen ye min tun bē kelenya ani ben kōfō Mali ani Gine Konakiri jeliw ce. A janya metere 1 ani santimetere 20 ye, den ye 20 ye. Kela jeliw, Kangaba mara la ani nagasolia jeliw, Gine Konakiri jamana na, olu tun bē sosobala marali bō nōnkōn kōrō. Nka kabini san 1975 nagasolakaw banna ka soso bala bila ka na Mali la..

Bala ye suguya saba ye, jamana 7 in kono, n'o ye Mali, Burukina, Kodiwari, Gine Konakiri, Senegali, Ganbi ani Gine Bisawo. O bala suguya 3 in ye : turukabala, nkusunbala ani jelibala ye. Turukabala den b'a ta 16 la ka se 20 ma, a bē mankan suguya 5 bō. Turukabala bē sōrō kosebē Mali woroduguyanfan fē, Kodiwari saheli fē, ani Burukina saheli fē ka digi kōrō kan.

Nkusunbala ye Bēledugu kōnōna nēnajefen ye, ale fana bē mankan suguya 5 bō : Jelibala de bē mankan suguya 7 bō, a ka ca Mali, Gine Konakiri, Ganbi, Senegali ani Gine Bisawo.

Lamisa Bengali, Zege Banba ani Mariyamu Bagayogo, olu ye sangaba di bala ma. Walasa ka bala sankorōta k'a foli nōgoya i n'a fo piyano fo ka nansara foli yēre don a senkōrō, Solomani Tarawele ka bō Nebala, ni bēe kō a ma «Neba Solo», oni Orokoya Tarawele y'u sēbē don o ma. Neba Solo ye senjanw don a ka bala kōrō ka denmisew wuli k'u jo ni balasenw ye, minnu bē wele «Zazu» ani «Yeye».

Yusufu Dunbiya  
Dokala Yusufu Jara

## Musomasiri bɛe n'a kɔrɔ don dɔgɔnɔw bara



Mali kono, siya bɛe n'a ka masiriw don; u b'a tigi jɔyɔrɔ fana jira hadamadenya kɔnɔna na. K'a damine bamananna, ka se tamaseki, suraka, sinefɔ, fula, bɔbɔ, songayi, arabu, kasonka, maraka, dɔgɔnɔ, maninka, fo ka n'a bila boso la, nin bɛe n'a damana masiri don.

Nka o siya ka dɔgɔ, yelema ma don min ka masiriw cogoya la dijɛ sɔgɔlen ka bila nɔgon na, fo n'a bora dɔgɔnɔ na, yelema fosi ma don olu ka labenw cogoya la fɔlo. Seko ni dɔnkojira min kera san 2003 Mali ka sanfila jenajɛ kene kan, jama y'o seereya.

Fen min ye dɔgɔnɔ banbali ye u ka laadalamasirikan, kɔrɔb'ola; sabula kabakomafen dilannenw don u yere bolo dannaya dɔ kono. Ni bi te, i tun te sanu ni warije ye u ka masirimafenw na abada.

Dɔgɔnɔ ka masirimafenw tun be dilan

ni figan, dɛnɛ, nsira, jiri ani jilafɛn misenniñ faraw ye. Bajangara fanfelaw la, masiri min be wele «kucen», o ye fuga dilanko numan ye k'o coron jiri desennen na walima bije na; o be sama kuncɛ cemance fe. Kannamasiriw la, min be wɛle «pete-pete», o dilannen don ni jilafɛn misenniñ fara 3 ye. Fara 2 min be kun fila la, olu ne ye suguya kelen ye, ka cemancelafara ne ke suguya wɛre ye.

Dɔgɔnɔ ka jenajebaw don na, i n'a fo kɔnɔw n'u nɔgɔnnaw, se be muso minnu ye kosebe, olu b'u masiri ni «pipa camada» ye. O ye bolokannanegye, min fila be jigin ka bo nɔgon kunna. Musomannin kuluw ladamuni be muso minnu bolo dugu kono olu be «digibu» don u bolokan na.

Yusufu Dunbiya Dokala Yusufu Jara

## Senekelawtɔgladon Kita, kɔrɔfɔsi kelen ma faamuya

Jamanakuntigi n'a nofəjama donna Kita karidon zuwenkalo tile 26 san 2005, jama bora ka a kubnen. Mogo caman fari ma foni a kan a don, sabula, a kɔrɔfɔw be latemena nansarakan na. Kita n'a dafedugu bɛe ka mogo tun be kene in kan. Antun hakili la senekelawtɔgladon kuma na ke an fe, an ka kanmenta la. Nka, o ma ke, jamanakuntigi n'a nofəmogo, bɛe y'a ka dantigeli ke nansarakan na. O kera a ko kɔnɔna fili belebele ye. Ko be dabo mogo minnu kama, i ka fen fo olu ye min be faamuya, o de ye netaa sira ye.

Hamadi Aturu Boli ka bo Danbana,  
Kofeba komini na Kita

## Nininkaliw

Yaya Mariko ka bo Senu Bamako, b'a fe Kibaru nɛmɔgoyaso k'ale bo fili la, ni Nka walima Tun walima Patisakana walima Baasi te, n'u be kumasen kono, n'u be ko duman walima ko goman fo.

### Jaabi

1 - Nka ye dañe ye min be kumasenbolo fila kalanso nɔgon na kumasen kelen kono. A ka ca a la, a be kumasenbolo 2 kodon nɔgon ma ka na ni yelema ye ko kecogo la.

Misali 1 : Tile ganna kasorɔ ne ma se, u k'u be ne lasegin, nka, ne kelen ka n sebaliya joona nɛfɔ ka jeyə, u sonna ka ne bisimila (duman)

Misali 2 : U sonna ka n bisimila nka a ma laban hère la (goman)

2 - Tun ye demenān ye min be tugu walidemēnanw nɔfɛ kumasen kono. A be tugu waledemēnan min kɔ o de be na ni diya walima goya ye kumasen kono.

Misali 1 : Ne tun ye min fo a ye, a y'o di (diya)

Misali 2 : Ne tun ye min fo a ye, a m'o di (goya)

3 - Patisakana ye dañe ye min be gelεya kofɔ kumasen kono (dañe sure don).

Misali 1 : Nin foro in ye patisakana ye bin fe (goya)

Misali 2 : Patisakana, ne na ko da e kan bi (diya)

4 - Baasi te : b'a jira ko son be ke i ka lajini ma walima a te sabati.

Misali 1 : Baasi te, e ka na nin minz.

Misali 2 : N'i y'o fo baasi te, nka a te sɔrɔ.

Dokala Yusufu Jara

## Kooriforow ka bon ni nɔforow ye

Nejorela, n hamina. Jaa mogɔ be kala ye k'i ne turu a la. Nɔborɔ kelen 4.400, kababɔrɔ kelen 3.800. Osababu bora mun na? Kɔrisenɛ.

Tine don sanji dese kera, nka n'a fora taari 10 forotigi ka taari 7 ke koori ye ka 3 dama ke nɔye, wajibi ye balodesi ye. Bawo juru be kooritigi caman kanna. Wari ma sɔrɔ, balo ma sɔrɔ. Geleya damatemena. Hakili de be baara ke; a fo tulotige te fali somi? Ninan 2005 kooriforow ka bon ni nɔforow ye. Sanjidese mana ye Mali kono cogo o cogo, balosene bilali kofe, o noba be geleya la.

Seku Umaru Konare ka bo Jifalen,  
Jedugu - Torodo Komini na

## Sanbarabatigw bë ka Dakaro ni Bamako ce siraba bolili gelya donibatamobilaw bolo

Farafinna tilebinyanfan jamanaw kono, n'eu m'ogow ye feere soro m'ogow ni minenw donnini kecogo numan na an ka jamanaw ni n'ogon ce. O feere in kera yamaruyasëben labenni ye min be wele «Tiri». Ni donibatamobilitigi min y'o seben in ta, n'o ye (Tiri) ye, o te nininka bilen sira in fe, k'a ta a boyoro duwanjëso la fo a taayoro duwanjëso. Mali ni Senegali ce siraba dayëslen, o sariya in bolili daminëna jamana fila in ni n'ogon ce san 2004 setanburukalo la.

Nka sanbarabatigw bë jini ka sariya in don ngalama na. Nin kera donibatamobili do ye. A bora Dakaro ni malo toni 40 ye k'i kunda Bamako kan. «Tiri» n'o ye yamaruyasëben in ye, o tun be mobilibolila kun. O'n'a ta bee, a ye kemefilabiye caman bila a kun bawo a y'a dën a têna kisi faamaw töro ma. A y'a kerefemogó ke a seere ye.

Jumadon awirilikalo tile 1 san 2005, soferike in ye sira min. A y'a fo cogo min na a kera ten. U bora Dakaro ka kilomètère 80 n'ogonna ke d'orón zantaramaw y'u lajo. A ye ke me 2 bila seben kono, k'o di, u temena. A ye mobiliba 4 jolen soro yen, o soferiw banna surufenbo ma, olu ma se ka teme.

Ala ye don o don da, Mali kamiyänba 20 n'ogon be bo Dakaro k'u kunda Mali kan. U be wuli n'ogon fe. Ni Senegali faamaw y'u nato ye, o ye don diyalen ye. Dakaro ni Mali ce siraba kan, Mali mobilaw be joliko 25 n'ogonna ke.

U mana jo yoro o yoro la, k'a ta sefawari 200 fo ka se 600 ma faamaw min soferi kelen-kelen na, hali n'o y'a soro yamaruyasëben b'u bolo, n'o ye «Tiri» ye. Joyoraw faamaw ka jugu ni d'ow ye. N'i t'a fe ka muru mëen ba su kan na d'orón, i ka surufen di, n'o te kuma jugu be fo i ye, wa i be lajo fana ka mëen k'i lasumaya.

A kera donibatamobilolaw n'eu m'ogow, yamaruyasëben n'o ye «Tiri» ye, k'o bëna fu siri sanbarabatigw ka gerente dan na.

Ni do ma fara a kan fen koni ma bo a la. A kelen be dalakuma gansan ye. Kise te jaba la!

O gelya min be donibatamobilolaw kan Senegali, o n'ogonna de fana b'u kan Mali fana kono. Soferike do y'a jira k'ale ka sebenw tun ka kan ka sëgesëge sije saba d'orón de. O kuma in ye tijé ye, bawo mobilibaw ka kan ka jo yoro-saba dorón de la sira kan Senegali kono : Kafirini, Tanba ani Kidira.

Awirilikalo laban na, wulikajow kera ka nesin Senegali ni Mali ce siraba taamako k'olosibagaw ani duwanjëso ma, ka «Tiri» nafa n'a joyoraw u q'el crojoraw ye. O n'foli kelen in kera donibatamobilolaw fana ye, bawo olu fari be ka faga a ko la ka taa a fe. «Tiri» nafa ka bon cogo min na, a soro ka gelen ten : a k'a soro donitamobiliba in lakananen don jamana taamakow n'eu m'ogoyaso fe, a ka soro mobilitigi ye nafolo hake do bila a ka jagofenw kunkor; a ka soro donitamobiliba in ka ni, a dafalen don; kunkolo ni kofela te tige ka bo n'ogon na k'a to boli la, ka jagofenw yaara duguma, a ka soro yamaruyasëben min be mobiliba in na, n'o ye «Tiri» ye, o dilanna duwanjësoba fe wali jagokelaw ka

soba fe. O kofé, Farafinna tilebinyanfan tonba min be wele tubabukan na «Cedeao», a ka soro o n'orow sebennen be nege kan k'a dulon donitamobiliba in kofé an'a n'efé.


O n'imorosiginege fila songo be ben sefawari ba 12 ma. A ka soro fana donibatamobili in lakananen don «Cedeao» ka lakana sariya kono, seben min be wele tubabukan na «kariti birini», o ka soro bilifen in na. Senegali ni Mali siraba taama n'a gelya ta bee, a kera nafa ye kosebe Malidenw ma, ka da Kodiwari pori datuguli kan, an balimake Lansana Kone ka fo la, n'o ye Mali Gaba n'eu m'ogow ye Senegali pori la. Misali la, san 2001 Mali ka minenw toni 190.000 temena Senegali pori fe.

San 2003 ta sera minen toni 372.000 ma. San 2004, o benna minen toni 550.000 ma. Ni faamaw ka gerentew te Dakaro ni Bamako ce, siraba in, kilomètère 12000, a nafa tun be caya ni nin bee ye, sango n'i ye jatemine ke jamana fila in ni n'ogon ce sannifeere hake kan sumanw ni baganw ani jegeko nasiraw la.

Musa Gasama  
Mahamadu Konta

### TULON

Nin ja fila dilanbagà y'a dabo a kama ka fili 10 k'u la. A y'olu jini




Karidjan k'ur n'man fe 9 - Muso bolio kelen 10 - Ce kamankun.  
Bolokannaneg 5 - Bidjan datugulan 6 - Bin min be sofjula 7 So bili 8 -

1 - Muso kan 2 - Ce dallas 3 - Juru k'ur ds dibin k'nd k'lin fe 4 -

Jaabi

## Salifu Keyita sigira Mali ntolanko kunna



Mogo te Salifu Keyita kofo mogo ye Mali kono bilen, sango minnu be ntolatankow kalama. A be fo ale de ma Demangontolatan na. Ntolatanton min be Bamako, n'a be wele «EREYALI», o ntolatanna koro don. A ye sangaba soro Ereyalila, ale ni Usumanibilennin, Mukutari Mayiga, ni Tureani dowerew. A ye togo soro kosebe Faransijamana kan. Ale de folo ye ntola sanuma ani ntolatansanbara sanuma soro Farafinna ntolatannaw na. Faransi ye here suguya bee labila a ye a ka ke Faransika ye, a ma son. A taara Lamerikenjamana kan, ka ntola tan ye, ka togosoro, ka makobatigiya kalan ke yen n'o ye «Afériw» kalan ye, k'o seereyasseben soro, ka soro ka segin Faso la. A ye lotoliso belebele jo bada la k'o togo da «Manden». O kofe, a ye ntolatan lakoliso do dayele. A ye o

lakoliso in ka'landenw fara jogon kan ka ke ntolatanton ye, k'o togo ke «C S K».

Sedubilen ni Jila bora o ton in na Salifu Keyita delila ka ke farikolonénaje minisiri fana ye furancéfanga waati la musafanga binnen. O salifu Keyita in de sigira bi Mali ntolatanku kunna. A te se ka fo ko ntolatañ nedon t'a la. A te ka fo fana nata de y'a bila nemogoya finini na. Bonyab'a kan, dannaya b'a kan. Salifu ka kan ka se ka Mali ntolatan sama ka bo dingé kono. Nka hine ni makari min b'a la anik'ita ke fileliyeten, nemogoya te son o ma. Fo a ka dimi, ka dusu, k'i bila a waragolola, ka kowkenkaraba, bawo musalahi te a ko ne bilen. Salifu Keyita mako be bee ka deme na bawo boloden kelen te bele ta.

Mahamadu Konta

## Depitew kumana Mali ntolatan kan

Mali jabaranin na, an ye depitew kumato ye ntolatan kan. Jama kunkanko, ni faamaw b'an kunnafoni ola, a ka dianye, uk'a fo jamana kanw na. Bee te tubabukanmenna ye. Kuma in nafa tun ka bon, nka, tine yere la, a ma faamuya jama fanba fe. jamana nemogow ka kalanbaliw kunnafoni nansarakan na, o te kabakurun filito ye tile ma.

Sonsan ka komotigiya. Ni kono bora sonsari yere b'a dogo. O komotigiya ma fosi ne.

Minnu kunnafonito don, olu te nansarakan men. N'i ye Mali ntolatan tolen ye ko i ko sentonton, kanko sen b'a la. Ntolatanna be kalannen te, kuma te Maliden fanba ma.

Pate Boli ka bo Danbana, Kofeba komini na Kita

## An ka an wasa don Farafin degelikaramogow la

N'i y'a ye Mali te ne soro ntolatan na, jamana nemogow no don. Ka da a kan, mogo min be an ka ntolatannaw kalan, u b'o to yen ka faraje nini, o ka taa ni jamana ka ntolatanton ye jamana werew la jogonkunbenbaw kene kan. Ne hakili la sani nemogow ka faraje degelikaramogow wele jamana kakanjogonkunbenbaw kama, o farajew be degelikaramogoya kalan kalanso minnu na, u'kan taw fana bila ka taa kalan numan ke o yoroni ninnu na. N'a kun ye baara keko numan ye, una numan ke, wa miliyon caman min be kunmaniya jamanadenw ma, o na to u bolo. Do na bo faantanya fana na Mali kono. Dine bee, mogo min jogon ma ye ntoaltan na, o ye farafin ye. Munna Farafinna te degelikaramogoya numan fana nejini?

Manan Keyita ka bo Sitantumu,  
Kita mara la

## Poyi : Janfa

Janfa be sigi goya,  
Ka mogo sebew siran jama nemogoya ne.

Tilesenkunce u na nkolon fin da i la,  
K'i ke juguntofen ye kufetomogow bolo.

N balimaw, ne siranna janfa ne.  
Nkalon mana da i la min bolen be tine fe,

Ala kelen pe de y'i ma seere ye.  
Mogo dannabaa de y'i janfabaa ye.  
Dine kera nebaatiye ye.  
Janfa te mogo sebe baara ye.

Isa Jalo ka bo Kedugu Kati mara la

"AMAP" kintigi

Solomani DARABO

Mali kanw kunnafoniseben  
baarada kintigi

Jenze Samake

Kibaru

BP : 24 Telefon: 221-21-04

Kibaru Bugufiyé Bozola

Bamako -Mali

Sebenbagaw kintigi

Badama Dukure

Sebennijekulu

Mahamadu KONTA, Dokala Yusufu

Jara, Badama Dukure

Labugunyoro: Kibaru gafedilan

baarada

Bolen Hake 16 000